

მისანიჭებელი კვალიფიკაცია - სოციალური მეცნიერებების დოქტორი.

პროგრამის მოცულობა - სასწავლო კომპონენტი არანაკლებ 30 კრედიტი, სწავლის ხანგრძლივობა არანაკლებ 3 წელი.

სწავლების ენა - ქართული.

სწავლების საფასური - 4000 ლარი

პროგრამის სტატუსი - აკრედიტებული.

სადოქტორო პროგრამის მიზანია, ადგილობრივი და საერთაშორისო სამეცნიერო სფეროსა და უმაღლესი საგანმანათლებლო დაწესებულებებისათვის, სოციალურ მეცნიერებათა მიმართულებით, მაღალკვალიფიციური აკადემიური კადრების მომზადება ისეთი უნარებით, როგორცაა:

- უახლეს მიღწევებზე დამყარებული ინტერდისციპლინური თეორიული და გამოყენებითი ორიგინალური სამეცნიერო კვლევების დაგეგმვა და ჩატარება, სამეცნიერო, პროფესიული ეთიკის სტანდარტების გათვალისწინებით და კვლევის ობიექტის უფლებების დაცვით, მიღებული შედეგების გავრცელება და დანერგვა;
- სხვადასხვა სფეროებში საზოგადოების წინაშე წამოჭრილი პრობლემების იდენტიფიკაცია, მოპოვებული მტკიცებულებების საფუძველზე ეფექტური ინტერვენციების დაგეგმვა, ჩატარება და შეფასება;
- სწავლების თანამედროვე მეთოდების გამოყენებით აქტიურ სამეცნიერო-პედაგოგიური მოღვაწეობა, სწავლება-სწავლის პროცესში ჩართვა და ახალი, ინოვაციური ცოდნის გადაცემა, როგორც საუნივერსიტეტო აუდიტორიისთვის, ასევე დაინტერესებულ პირთათვის;
- უწყვეტი პროფესიული განვითარების დაგეგმვა და განხორციელება სოციალური მეცნიერებების (სოციოლოგია, ფსიქოლოგია, პოლიტიკა, მასობრივი კომუნიკაცია) მიმართულებით, მოწინავე ინტერდისციპლინური მეცნიერული ცოდნისა და ანალიტიკური, კვლევითი უნარების გათვალისწინებით.

პროგრამაზე დაშვების წინაპირობა

სოციალური მეცნიერებების სადოქტორო პროგრამაზე სწავლის უფლება აქვს პირს, რომელიც ფლობს მაგისტრის კვალიფიკაციას ან მასთან გათანაბრებულ აკადემიურ ხარისხს (**სწავლის სფეროების კლასიფიკატორის ფართო სფეროს: 01 განათლება; 02 ხელოვნება; ჰუმანიტარული მეცნიერებები; 03 სოციალური მეცნიერებები; ჟურნალისტიკა და ინფორმაცია; 04 ბიზნესი, ადმინისტრირება და სამართალი**) სტუ-ში არსებული წესის შესაბამისად აკმაყოფილებს დოქტორანტურაში ჩარიცხვის მოთხოვნებს.

პროგრამაზე ჩარიცხვის მსურველმა უნდა წარმოადგინოს: **კვლევითი პროექტი**, სადაც გამოიკვეთება აპლიკანტის კვლევის მიზანი და მიმართულება; **ინგლისური ენის B2** დონეზე ცოდნის დამადასტურებელი შესაბამისი საერთაშორისო სერტიფიკატი, ან უნდა ჩააბაროს გამოცდა სტუ-ის ტესტირების ცენტრში. აპლიკანტს, რომელსაც უმაღლესი განათლება მიღებული აქვს ინგლისურ ენაზე, სერტიფიკატის წარმოდგენა ან გამოცდის ჩაბარება არ მოეთხოვება.

ინგლისურ ენაში დადებითი შეფასების მიღების შემთხვევაში აპლიკანტი გადის გასაუბრებას საფაკულტეტო დროებით კომისიასთან. მხედველობაში მიიღება: სამეცნიერო პუბლიკაციების არსებობა, სამეცნიერო კონფერენციებში მონაწილეობა, სასწავლო/კვლევით საქმიანობასთან დაკავშირებული სხვა დოკუმენტები და მასალები (სერტიფიკატები, სიგელები, პატენტები და ა.შ.)

დოქტორანტურაში მიღების წესი და ჩარიცხვის პირობები განთავსებულია უნივერსიტეტის ვებ-გვერდზე:

<https://gtu.ge/Science/doctorantura.php>

პროგრამაზე მობილობის წესით ჩარიცხვა შესაძლებელია საქართველოს განათლებისა და მეცნიერების სამინისტროს მიერ დადგენილ ვადებში, სავალდებულო პროცედურებისა და უნივერსიტეტის მიერ დადგენილი წესების დაცვით. პროგრამაზე ჩარიცხვა, ან გადმოყვანის წესით ჩარიცხვა უცხო ქვეყნის აღიარებული უმაღლესი საგანმანათლებლო დაწესებულებიდან ხორციელდება საქართველოს კანონმდებლობით განსაზღვრული წესის შესაბამისად.

პროგრამის მიზანია:

სადოქტორო პროგრამის მიზანია, ადგილობრივი და საერთაშორისო სამეცნიერო სფეროსა და უმაღლესი საგანმანათლებლო დაწესებულებებისათვის, სოციალურ მეცნიერებათა მიმართულებით, მაღალკვალიფიციური აკადემიური კადრების მომზადება ისეთი უნარებით, როგორცაა:

- უახლეს მიღწევებზე დამყარებული ინტერდისციპლინური თეორიული და გამოყენებითი ორიგინალური სამეცნიერო კვლევების დაგეგმვა და ჩატარება, სამეცნიერო, პროფესიული ეთიკის სტანდარტების გათვალისწინებით და კვლევის ობიექტის უფლებების დაცვით, მიღებული შედეგების გავრცელება და დანერგვა;
- სხვადასხვა სფეროებში საზოგადოების წინაშე წამოჭრილი პრობლემების იდენტიფიკაცია, მოპოვებული მტკიცებულებების საფუძველზე ეფექტური ინტერვენციების დაგეგმვა, ჩატარება და შეფასება;
- სწავლების თანამედროვე მეთოდების გამოყენებით აქტიურ სამეცნიერო-პედაგოგიური მოღვაწეობა, სწავლება-სწავლის პროცესში ჩართვა და ახალი, ინოვაციური ცოდნის გადაცემა, როგორც საუნივერსიტეტო აუდიტორიისთვის, ასევე დაინტერესებულ პირთათვის;
- უწყვეტი პროფესიული განვითარების დაგეგმვა და განხორციელება სოციალური მეცნიერებების (სოციოლოგია, ფსიქოლოგია, პოლიტიკა, მასობრივი კომუნიკაცია) მიმართულებით, მოწინავე ინტერდისციპლინური მეცნიერული ცოდნისა და ანალიტიკური, კვლევითი უნარების გათვალისწინებით.

სწავლის შედეგები/კომპეტენტურობები (ზოგადი და პროფესიული)

- გვეგვას და დამოუკიდებლად ახორციელებს სოციალურ კვლევას რაოდენობრივი და თვისებრივი მეთოდებითა და ანალიტიკური მიდგომების ინოვაციური სინთეზით;
- იყენებს რელევანტურ მეთოდოლოგიასა და ემპირიული კვლევის შედეგებს გადაწყვეტილებათა მიღების პროცესში, სამეცნიერო ნაშრომების, კვლევითი პროექტების დამოუკიდებლად დაგეგმვისა და შესრულებისას;
- კრიტიკულად ანალიზებს რთულ და წინააღმდეგობრივ იდეებს და მათ საფუძველზე ახალ კვლევით ან ანალიტიკურ ხედვებსა და მიდგომებს შეიმუშავებს;
- ახდენს ახალი ცოდნის არსებულ ცოდნასთან შემოქმედებით ინტეგრაციას და კვლევის შედეგებს გადასცემს როგორც კოლეგებს, ასევე დაინტერესებულ საზოგადოებას;
- ამზადებს ჩატარებული თეორიული და ემპირიული კვლევის საფუძველზე, საკვლევო თემატიკის შესაბამის სასწავლო-მეთოდურ მასალებს და ახდენს მათ სათანდო ინტერპრეტაციასა და პრეზენტაციას;
- დამოუკიდებლად წარმართავს სასწავლო პროცესს სწავლებისა და შეფასების თანამედროვე მეთოდებით, ტექნოლოგიებითა და სტუდენტზე ორიენტირებული მიდგომების გამოყენებით;
- აკადემიური კეთილსინდისიერების დაცვით ახორციელებს სოციალურ მეცნიერებებში (სოციოლოგია, ფსიქოლოგია, პოლიტიკა, მასობრივი კომუნიკაცია) უახლეს მიღწევებზე დამყარებულ სამეცნიერო აქტივობებს.

სტუდენტის ცოდნის შეფასების სისტემა

შეფასება ხდება 100 ქულიანი

სკალით. დადებითი შეფასებები:

- (A) - ფრიადი - შეფასების 91-100ქულა;
- (B) - ძალიან კარგი - შეფასების 81-90ქულა;
- (C) - კარგი - შეფასების 71-80ქულა;
- (D) - დამაკმაყოფილებელი - შეფასების 61-70ქულა;
- (E) - საკმარისი - შეფასების 51-60ქულა.

უარყოფითი შეფასებები:

- (FX) - ვერ ჩააბარა - შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლისუფლება;
- (F) - ჩაიჭრა - შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სამეცნიერო-კვლევითი კომპონენტი/კომპონენტების შეფასება:

ა) ფრიადი (summa cum laude) – შესანიშნავი ნაშრომი;

ბ) ძალიან კარგი (magna cum laude) – შედეგი, რომელიც წაყენებულ მოთხოვნებს ყოველმხრივ აღემატება;

გ) კარგი (cum laude) – შედეგი, რომელიც წაყენებულ მოთხოვნებს აღემატება;

დ) საშუალო (bene) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს;

ე) დამაკმაყოფილებელი (rite) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს;

ვ) არადამაკმაყოფილებელი (insufficient) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო;

ზ) სრულიად არადამაკმაყოფილებელი (sub omni canone) – შედეგი, რომელიც წაყენებულ მოთხოვნებს სრულიად ვერ აკმაყოფილებს.

სასწავლო კურსების ჩამონათვალი კრედიტების მითითებით

№	სასწავლო კურსი	კრედიტი
1	სამეცნიერო კომუნიკაციის ტექნიკა	4
2	სწავლების მეთოდები	6
3	სოციალური კვლევის მეთოდები	10
4	პროფესორის ასისტენტობა	10
	კვლევითი კომპონენტი	-